

聖旨是欽此

成化七年十二月二十九日陝西等道監察御史張教等題為陳言弭災事將所言事件開坐具題節該奉聖旨准行欽此

計開

內府每月初四十四二十四在外諸色人等俱將貨物

赴

玄武門等處貨賣名曰趕集只今

上天垂警禁近之地誠非所宜合無令點閱給事中御史等官督令守門官員嚴加禁約庶杜奸細

禁約交結夷人易換違禁物件例

成化八年正月十五日礼部尚書為申明閤防禁革奸弊事查得先該本部儀制司主事高國奏稱通行事件

送鋪行人哄誘夷人上街買賣交通作弊透漏事情要乞禁約合無本部給賞夷人後並听於館開市買賣五日除違禁花樣段疋等物并鞍轡鉄器外其餘鉄線服飾布帛之物並從收買錦衣衛差委官校在館防閑該城兵馬嚴督火甲省令各行鋪戶持貨入館明白買賣不許縱鋪戶在外私與交易致使夷人得以上街沿門販賣出入自由因而窺探事情如通事及伴送人員誘引夷人放事為非并縱容上街買賣從容各該委官及兵馬司掣送究問已經奏

准備榜發仰會同館張掛禁革去後續該會同館副使黃仕寧奏先年外夷人赴京進

貢各處鎮守總兵官夷人伴送前來分歇兩館進

貢畢日札部出給告示發館方令諸人將布絹等件
與各夷兩平易買不許暗帶藏金羅段私茶軍器
等項交結買贖黃寶石之類亦不許伴送人等主
使縱容夷人強行搶奪皆有禁例近年以來有等
奸頑無籍小人三五成群或作權豪子姪或稱勢要
弟男不待開市潛藏應禁物件強入公館易換方物
騙竊賞賜無敢但報及有等伴送人等主使夷人強
奪財物此均分乞

勅札部嚴加禁約今後遇有仍蹈前非者許令本館擒送法
司治罪奏奉

聖旨該部知道欽此看得本部合無先前榜文再行翻騰仍
發會同等館張掛曉諭遵守如有仍前違者該管
官告呈各該委官拿送法司究問奉

聖旨是欽此又經翻騰出榜禁革去後近訪得各處夷人到
館不遵近例多有將原帶皮條等物并賞賜段疋
紬絹出入街市易換觔角弦條鞍轡鐵器違禁之物
并伴送夷人與館夫通事人員引誘通同私下於鋪
行之家易換得利分用合無再行出給榜文禁約仍
行錦衣衛并五城兵馬司委能幹官一員各帶旗校
火甲人等過有夷人到館專一暗行緝訪巡視如有伴
送人等與各處夷人通同鋪行人等私下易賣前
項觔角弦條鐵器一應違禁等物就便拏送法司
問罪如若視為常事不行用心巡視致事遺失一
体治罪奉

聖旨是還出榜常川禁約欽此

禁約在京并沿途不許賣與夷人觔角弓箭銅